

Allanguutissatut siunnersuut

uunga

Uunga siunnersuut: Siusinaartumik pensionisiat pillugit Inatsisartut inatsisaata allangortinnera pillugu Inatsisartut inatsisaat nr. XX, XX XXX 2017-imeersoq
(Siusinaartumik pensionisialinnut qaffasinnerpaamik pisartunut tunngaviusumik pensionisiaqartitsilerneq, siusinaartumik pensionisialinnut kapitali 7-imi ikaarsaariarnermut aalajangersakkanut ilaasunut 20 procentinik malittarisassaqaartitsinerup atuutilerseqqinneqarnera, tulluurtumik angalanermut aningaasartuuteqaartarnissaq pillugu § 29-, imm. 1-imik erseqqissaaneq aamma inatsisip kalaallisut oqaasertaani § 33, imm. 3-mik aamma § 36-mik iluarsiiinerit)

Pingajussaanneerpeqarnissaanut Naalakkersuisunit saqqummiunneqartoq.

Siunnersuutip taaguutaanut

1. Siunnersuutip taaguutaa ima oqaasertalerneqassaaq:

” **Siunnersuut uunga: Siusinaartumik pensionisiat pillugit Inatsisartut inatsisaata allangortinneqarnera pillugu Inatsisartut inatsisaat nr. XX, XX XXX 2017-imeersoq**”

§ 1-imut aallaqqaasiummut

2. § 1-ip aallaqqaasiutaa imatut oqaasertalerneqassaaq:

” Siusinaartumik pensionisiat pillugit Inatsisartut inatsisaanni nr. 40-mi, 9. december 2015-imeersumi, Inatsisartut inatsisaatigut nr. 19, 28. november 2016-imi allangortinneqartumi, tulluuttut allanguutigittinneqassapput:”

§ 1-imut

3. Nr. 1 ataani § 17, imm. 3 siunnersuutigineqartutut ima oqaasertalerneqassaaq:

” *Imm. 3.* Siusinaartumik pensionisiaqarnermi pisartakkat appartinneqassapput, siusinaartumik pensionisiaqartoq aammalu aappaqarsimaguni aapparisaata ukiumoortumik isertitarisaat, tamatumani ilanngunnagit siusinaartumik pensionit, utoqqalinermi pensionisiat aammalu Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu 28.000 kr.-it sinnerpatigut. Aappaqarsimaguni aapparisaata isertitai siulliit 100.000 kr.-it ilanngunneqassanngillat.”

4. Nr. 2 ataani § 17, imm. 4 nutaatut siunnersuutigineqartutut ima oqaasertalerneqassaaq:
” Imm. 4. §17, imm. 2 naapertorlugu, siusinaartumik pensionisiallit pisinnaatitaapput tunngaviumik pensionisiani qaffasinnerpaamik siusinaartumik pensionit 50 %-iinik pisassallutik, aappaqarsimagunik aapparisaata piffissami pineqartumi tamakkiisumik isertitariunnagaasa annertussusii apeqqutaatinnagit. § 17, imm. 2 naapertorlugu, tunngaviumik pensionisiat appartinneqassapput, siusinaartumik pensionisiallip aappaqarsimagunilu aapparisaata ukiumut tamarmiusunik piffissami pineqartumi isertitaasa, siusinaartumik pensionisiat, utoqqalinersiat pensionisiallu Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu akiliutigineqarsimasut, ilanngunnagit, 28.000 kr.-t, qaffasinnerpaamik pensionisiat 50 %-ii ilanngullugit, sinnerpatigit. § 15 imm. 4. Naapertorlugu, § 17, imm. 6 atorneqassanngilaq, appartitsisoqassaaq appasinnerpaamik siusinaartumik pensionisiant aningaasanut killiliussat assingi malillugit.”

5. Nr. 3 ataani § 29, imm. 1, nr. 1, siunnersuutigineqartutut ima oqaasertalerneqassaaq:
”1) ingerlaavartumik pisartakkatut sivisunerpaamik ukiumut ataasiakkaarlugit aalajangersarneqartunik, imaluunniit”

6. Nr. 5 ataani § 33, imm. 3 siunnersuutigineqartutut ima oqaasertalerneqassaaq:
” Imm. 3. Siusinaartumik pensionisiaqartinneqartup paasissutissiisussaataaneq sumiginnarsimaguniuk imm. 1 malillugu ilisimaarinninnini imaluunniit ilisimaarinnittariaqarnini naapertorlugu, eqqunngitsumik tunngaveqarluni siusinaartumik pensionisiassanik pissarsisarsimaguni, taava eqqunngitsumik tunngaveqarluni pissarsiarisimasani utertittussanngussavai. Tamatuma saniatigut kommunalbestyrelse pisinnaatitaavoq ingerlaavartumik pensionisiarineqartunit allaninngaanniit matussusiissalluni, tamatumanili pineqaratik meeqqanut tapisiat.”

7. Nr. 7 ataani § 43, imm. 9 siunnersuutigineqartutut ima oqaasertalerneqassaaq:
” Imm. 9. § 17, imm. 2 naapertorlugu, siusinaartumik pensionisiallit, taakku ilagalugit siusinaartumik pensionisiallit Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannut ilaasut, siusinaartumik pensionisiat qaffasinnerpaartaasa 20 procentiinik pisassapput, aappaqarsimaguni aapparisaata piffissami pineqartumi isertitarisartagaat tamarmiusut apeqqutaatinnagit.”

Allannguutissatut siunnersuummut nassuiaatit

Oqaaseqaatit nalinginnaasut

Allannguutissatut siunnersuut saqqummiunneqarpoq, inatsisissatut siunnersuutip kalaallisoortaata kukkuneqarnerata amigaateqarneratalu paasineqarnera tunngavigalugu.

Allannguutissatut siunnersuuteqarnermi siunertaavoq inatsisissatut siunnersuummi kalaallisut oqaasertaliussat qallunaatuuanut naapertuuttunngorlugit aaqqiiffigineqarnissaat.

Allannguutissatut siunnersuut inatsisissatut siunnersuutip danskisut oqaasertaanik allannguutitaqannilaq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Allannguutissatut siunnersuut inatsisissatut siunnersuutip qulequtaata kalaallisuanik naqqiineruvoq.

Nr. 2-mut

Allannguutissatut siunnersuut § 1-imut aallaqqaasiutip kalaallisuanik naqqiineruvoq.

Nr. 3-mut

Allannguutissatut siunnersuut § 1-imi, nr. 1-ip kalaallisuanik naqqiineruvoq, § 17-imi, imm. 3-p siunnersuutigineqartumut oqaasertalerneqartoq.

Nr. 4-mut

Allannguutissatut siunnersuut § 1-imi, nr. 2-p kalaallisuanik naqqiineruvoq, § 17-imi, imm. 4-p nutaatut ikkunneqartup siunnersuutigineqartumut oqaasertalerneqartoq.

Nr. 5-imut

Allannguutissatut siunnersuut § 1-imi, nr. 3-p kalaallisuanik naqqiineruvoq, § 29-mi, imm. 1-imi, nr. 1-ip siunnersuutigineqartumut oqaasertalerneqartoq.

Nr. 6-imut

Allannguutissatut siunnersuut § 1-imi, nr. 5-ip kalaallisuanik naqqiineruvoq, § 33-mi, imm. 3-p siunnersuutigineqartumut oqaasertalerneqartoq.

Nr. 7-imut

Allanguutissatut siunnersuut § 1-imi, nr. 7-ip kalaallisuanik naqqiineruvoq, § 43-imi, imm. 9-p nutaatut ikkunneqartup siunnersuutigineqartumut oqaasertalerneqartoq.